

est, qui sorm. 8. et 44. de verbis Apostoli, scripsit, verba illa : *Solvite illum, et sinite abire, ad discipulos dicta a Christo fuisse; quod idem non semel repetit Gregorius, homil. 26. in Evangelia.*

Sed quo argumento, queso, Calvinus Augustinus et Gregorium mentitos esse convincent? siquidem in Evangelio tantum legimus : *Dixit eis, solvite illum etc.* neque aliquid praeedit, unde certe colligamus, illud pronomen, eis, non referri ad discipulos.

Videtur autem illud, eis, ad eos referri, quibus paulo ante dictum est : *Tollite lapidem,* iisdem enim dixit : *Tollite lapidem, et, Solvite eum.* Porro : *Tollite lapidem,* dixit circumstantibus, non exprimendo hos aut illos; sic enim legimus, *Ait Jesus : Tollite lapidem.* Dominum autem absolute praeiciente aliquid circumstantibus, certe credibile est, discipulos, aut solos, aut cum primis obediisse. Quare licet ex Evangelio non possit certo colligi, qui fuerint, qui Lazarum solverunt : tamen magna conjectura est, Apostolos fuisse.

Neque hinc expositioni repugnat Chrysostomus, aut si qui sunt alii, qui in factum alios quibusdam praeter Apostolos tribuant. Potuit enim fieri, et credibile est ita factum esse, ut Domino iubente multi simul accurrerent, tum ex Apostolis, tum ex aliis, et hi conjunctis viribus lapidem sustulerint, ac deinde alii manus Lazari, alii pedes solverint, alii velamen ex facie detraxerint, alii reliquum corpus expeditorient : neque ex hoc, quod Apostoli cum aliis Iudeis Lazarum solverint, aliquid detrahitur de magnitudine miraculi.

Atque haec dicta sint de calunnia mendacii; nam aliqui ad rem nostram nihil referunt, utrum Apostoli, an alii quidam Lazarum solverint : ut enim haec Lazarus solutio figura sit Absolutionis sacerdotalis, satis est, si ii, qui Lazarum solverint, in ea re ministri Christi fuerint, et Christo iubente id fecerint. Hoc enim contendimus, eos duntaxat potestatem habere peccata remittendi, quibus id Christus mandavit : quemadmodum ii soli Lazarum de monumento prodeuent solverunt, quibus Christus dixerat : *Solvite eum.* Quare S. Augustinus tract. 49. in Joanne nominat discipulos, sed generatim, ministros, cum de illis agit, quibus Christus dixit : *Solvite eum.*

Addit postremo Calvinus aliam allegoriam

huius explicationem : « Sed demus, inquit, hoc dictum discipulis : quid tum obtinebunt? Dominum dedisse Apostolis solvendi potestatem. Quanto aptius, et magis dextre haec allegorice tractari poterunt, si dicamus, hoc symbolo Deum voluntes fideles suos instituire, ut solverent a se suscitatos : hoc est, ne in memoriam peccata revocarent, que ipse oblitus esset : ne ceu peccatores damnarentur, quos ipse absolvisset : ne adhuc exprobarent, quae ipse condonasset; ne ubi misericors ipse esset, et ad pacendum facilis, ipsi ad puniendum severi, et morosi essent? certe nihil ad ignoscientiam fluctere nos magis debet, quam Judicis exemplum, qui se nimis rigidis et inhumanis implacabilem fore minatur. Eant nunc et allegorias suas venditent. » Haec ille.

Quia sane explicatio nihil est mirum, si nulli veterum Patrum in mentem venerit, cum ineptissima sit. Nam quod Patres dicunt, per mortuum significare peccatorum; per extimationem, conversionem, per egressionem ex monumento, confessionem; per vincula, peccata; per solutionem, remissionem; id totum et maximam habet signi cum re significata similitudinem, et ex Scripturis sanctis confirmari potest. At quod Calvinus dicit, nullum habet neque in Scripturis, neque in rei similitudine fundamentum. Quis enim usquam legit, non exprobare, aut non recordari, esse solvere? aut qui sanus dicere, non exprobare esse solvere, cum solvere sit aliquid agere, non exprobare sit non agere? Sed his nugs omissis, ad alia veniamus.

CAPUT IV.

Confirmatur eadem veritas ex aliis locis novi Testamenti.

Diximus hactenus de figuris, que Confessionis institutionem praecesserunt: nunc de usu, commendatione, atque exhortatione, que institutionem consecuta sunt, breviter dicemus.

Primus igitur locus habetur in Actis Apostolicis, cap. 19 (1), ubi sic legimus : *Muli credentes veniebant, confitentes, et annuntiantes actus suos : multi autem ex is, qui erant cu-*

(1) Act. XIX, 48.

riosa seclati, contulerunt libros, et combusserunt coram omnibus.

Hic locus accipiens est in primis de confessione fidelium post Baptismum; illi enim proprie dici solent credentes, ut patet Actor. 3. 4. et 3. I Thes. 4. et alibi : neque hoc negant adversari. Deinde loquitur Scriptura de confessione peccatorum in specie, ut ex illis verbis colligitur : *Confitentes actus suos.* Denique agitur hoc loco de confessione facta non soi Deo, sed etiam homini: nam ad Paulum veniebant, ut confitentur actus suos. Et quoniam eo tempore nulla extabat Ecclesiae constitutio de confessione peccatorum facienda, id sequitur, ut ab ipso Christo ejusmodi Confessio fuerit instituta.

Sed occurrit in primis Lutherns, qui in sua versione, per actus, miracula intelligentia docuit: quem secutus est Joannes Brentius, in commentario hujus loci.

Sed hanc expositionem non solum rejexit communis Catholicorum consensus, et ipsius etiam venerabilis Beda, in cap. 4. Mare, sed multo maxima pars adversariorum, ut Melanchthon, Calvinus, Beza, Bullingerus, Sarcerius in Acta Apostolorum, et Illiricus Centur. 4. lib. II cap. 4. col. 347. et Kemnitius in 2. par. Examin. pag. 987. Deinde inauditus est; ut miracula dicantur actus nostri, cum siut opera plane divina: multo etiam absurdius est, ut confiteri actus suos, sit, jactare miracula a se facta. Addi, quod causa hujus Confessionis, Luca teste, fuit ingens quidam terror ex divina ultione in eos, qui abutebantur nomine Jesu et Pauli ad quasdam: terror autem divinae ultionis, ad confessionem peccatorum, non ad predicationem proprie laudis, homines impellerunt. Denique Syriaea editio dicitur verbi reddidit, Offens.

Kemnitius loco citato duas indicat solutiones ad nostrum argumentum. Una est, quod in hoc loco Actorum agatur de confessione generali, qua Ephesi agnoscabant, actiones suas ad normam verbi Dei non congruere. Altera, quod in specie confessi sint aliqua peccata, per modum exempli, non tamen omnia.

Sed prima solutio facile refellitur. Nam in primis voces illae, *actus suos*, satis indicant confessionem factam esse in specie: nemo enim proprie dici potest confiteri actus suos,

(1) Dan. IV, 24; Matth. I, 21; Matth. IX, 2; Luc. VII, 48; Luc. XI, 4; Joan. I, 29; Act. XXII, 16.

qui solum dicit se peccatorem esse. Deinde vox Annuntio, et græce ἀναγγέλλω, qua utitur hoc loco sanctus Lucas, significat distincto aliquod narrare: et in editione Syriaea habetur vox οὐσία, que idem significat quod Hebraicum טהרא sphar: proinde recte veri posset: *Numerantes peccata sua.* Denique unde cognovisset B. Paulus illos fuisse curiosa sectatos, adeo ut libros eorum comburi juberet, nisi in specie peccata sua confessi fuisserent?

Altera solutio, qua est etiam Calvini in Comment. Actor et Magdeburgensis Centur. 4. lib. II. cap. 4. col. 360, repugnat toti Scripturæ: ubique enim Scriptura, cum absolute de peccatis loquitur, de omnibus peccatis intelligi solet, et debet; et si licet expondere de quibusdam, non de omnibus, absurdissima sententia in divinis litteris inventur. Dan. 4. *Peccata tua eleemosynis redime.* Matth. 4. *Ipse enim saluum faciet populum suum a peccatis eorum.* Matth. 9. *Confide fili, dimituntur tibi peccata.* Luc. 7. *Remittuntur tibi peccata.* Luc. 11. *Dimitte nobis peccata nostra.* Joan. 4. *Ecce qui tollit peccata mundi.* Actor. XXVI. *Ablue peccata tua, invocato nomine ipsius (1).* In his et aliis infinitis locis non ponitur signum universale, et tamen nemo dubitavit unquam, quin subinteligeretur, et idem sit: *Peccata tua eleemosynis redime.* et, *Omnia peccata tua eleemosynis redime.* Quare secundum usum Scripturae confiteri, et annuntiare actus suos, nihil potest esse aliud, nisi, palam facere omnia sua peccata.

Præter hanc solutionem, quam breviter refutavimus libuit Calvinus in comment. Actor. aliquot antitheses proponere, inter confessionem horum Ephesiorum, et Confessionem, qua nunc est in uso apud Catholicos; ut videlicet ostenderet, nihil hunc locum Actorum ad rem nostram facere: « Hoc, inquit, semel legimus confessos esse: Papæ lex quotannis ut minimum repeti jubet. Iste sponte prodiuerunt: Papa necessitate omnes obligat. Lucas multos venisse dicit, non omnes: in lege Papæ nulla exceptio. Iste coram fidelium cœtu se humiliarunt: Papæ longe aliud mandatum, ut clancularis surris in aurem proprii Sacerdotis obmurmaret peccator. En quam dextre Scripturas ab probandas suas fallacias accommodent. » Haec ille.

Sed has calumnias, plane leves, ac pueriles, nullo negotio dissolvemus. Nam etiam semel legamus Ephesios illos confessos, non lamen sequitur, non sepius id ab eis factum : atioqui iidem Ephesi, quia nunquam leguntur Baptismum aut Eucharistiam suscepisse, juxta dialecticam istam Calvinii, nunquam Baptismum, aut Eucharistiam suscepissent.

Quod autem illi sponte prodierint ad confitendum, mirum videri non debet, tum quod nulla tunc exstaret lex de confessione certo aliquo tempore facienda, tum quod etiam nostro tempore plurimi extra tempus Paschale, in quo solo, lege Ecclesiastica confiteri tenentur, sponte sua prodeant ad Confessionem. Itaque etiam tunc lege cautio fuisse, ut quotannis omnes confiterentur, potuerint tamen Ephesi illi sponte ac libere ad Confessionem prodire.

Multos autem venisse ad Confessionem, non omnes, quid habet repugnantem cum ea lege, que jubet ut omnes quotannis ut minimum peccata sua confiteantur ? neque enim lex omnes absolute includit, sed omnes qui conscientiam habent peccati lethalis, neque istos omnes quovis tempore obligat, sed tantum semel per annum. Quare si lex ista Ecclesiastica tempore beati Pauli vigisset, adhuc potuisset Ephesi quidam ad Confessionem faciendam accedere, quando non omnes accedebant.

Denique quod illi coram cœtu fidelium se humiliaverint, ex capite suo deprompsit Calvinus, non enim Lucas tale aliquid scripsit : *Multi, inquit, credentium veniebant, confitentes, et annuntiantes actus suos.* Utrum autem venerint coram cœtu fidelium, aut privatim, ad Paulum, aut aliquem alium, Lucas non dicit. Deinde nonne etiam Catholici hoc tempore coram cœtu fidelium se humiliant, cum in mediis basilicis, tota inspectante Ecclesia, ad sacerdotum pedes se abjiciant, licet Confessionem secreto exponent ? Habet igitur quam dextre Calvinus antitheses suas ad calumnias pertendendas accommodat.

Secundus locus est, II Corinth. 3. in illis verbis : *Dedit nobis ministerium reconciliacionis, et posuit in nobis verbum reconciliationis : pro Christo ergo legatione fungimur etc.* (1). Haec verba ad potestatem Clavium pertinere, fateatur Joannes Calvinus lib. iv. Instit. cap. 1. §. 22. et tam publice, quam privatum apud

fideles baptizatos esse debere usum harum Clavium, libenter agnoscit. At prefecto qui mittuntur legati cum potestate reconciliacionis inimicos regis cum ipso rege, non possunt recte munero suo defungi, nisi cognoscant ex ipsis reis, quid egerint, quam graviter regiam majestatem laserint, quam satisfactionem persolvere sint parati etc. Quare protestas ista ministerialis reconciliandi eos, necessario fert secum potestatem cognoscendi causas reorum, atque adeo confessiones exigendi, et audiendi : neque enim Ministri licet pro arbitrio quoslibet etiam non auditos reconciliare.

Tertius locus habetur Jacobi 5. ubi S. Jacobus ad Confessionem cohortatur, dicens : *Confitemini alterutrum peccata vestra* (2) ; quæ cohortatio satis aparte indicat, Confessionem jam tunc fuisse institutam, et quidem peccatorum, atque homini faciendam. Et satis aparte cohæret haec sententia cum superioribus verbis, secundum Catholicorum explanationem. Nam paulo ante apostolus Jacobus monuerat agrotos, ut Presbyteros accerserent, a quibus oleo sancto cum precibus ungerentur, et adjecterat effectum illius sacra unctionis, et precum, ut allevaret agrotos, et sanaretur, et si in peccatis esset, ea illi remitterentur. Sed ne forte qui haec legere, existimat illa etiam peccata lethalia, quorum homo conscientiam habet, per sacram unctionem posse deleri, subiunxit : *Confitemini alterutrum peccata vestra* ; non enim sacra unctione peccata lethalia remittunt, quorum aliquis conscientiam habet, cum ea per Confessionis Sacramentum purganda sint ; sed aut venialis, aut etiam lethalia, quorum conscientiam non habemus, que reliqua peccatorum dici solent.

Sed objiciunt adversarii, ac præsertim Philippus in Apologia Confessionis art. de Confessione et Satisfactione, et Joannes Calvinus lib. iii. Instit. cap. 4. §. 14. et in annotatione ad hunc locum, particulam illam, Alterutrum. Videtur enim ea particula cogere, ut dicamus S. Jacobum non loqui de Confessione sacramentali, qua soli Sacerdotali fieri potest, sed de confessione offensionis, que fit fratri offenso, ab obtinendam ab eo pacem et veniam, ut existimat Philippus, vel de confessione peccatorum, que fit homini spirituali, ut is cognito nostro spirituali

morbo, nos intruere, et pro nobis ad Deum preces fundere valeat, ut docet Calvinus : qua Calvini expositi confirmari videtur ex verbis sequentibus : *Et orate pro invicem, ut salvemini.*

Sed haec objectio facile solvi potest. Nam Origenes homil. 2. in Levit. Chrysostomus lib. iii de sacerdotio, Augustinus homil. 12. ex lib. 1. homil. et Bernardus libro Meditationum, cap. 9. hunc locum de confessione quæ fit sacerdoti, simpliciter acceperit videtur, et ut recte exponunt Beda in Commentario hujus loci, et Hugo de S. Victore lib. ii. de Sacramentis, par. 4. c. 1. voces illæ, Alterutrum, et Invicem, accipienda sunt prout exigit consequentia verborum Scriptura divina. Itaque : *Confitemini alterutrum, nihil est aliud, nisi Confitemini homines hominibus ; qui Absolutione indiget, illis, qui potestatem habent absolvendi. Quemadmodum I Petri 4. cum Apostolus dicit : Hospitalis invicem, sine murmurazione, unusquisque sicut accepit gratiam, in alterutrum illam administrantes : si quis loquitor quasi sermones Dei etc.* (1) non significat, sine discriminâ oportere omnes ab omnibus hospitio recipi, aut doceri, aut curari etc. sed, eos qui teclo indigent, hospitio recipiendos esse ab his, qui domum habent ; imperitos a doctis instruendos ; agrotos a medicis curandos ; pauperes a dñibz sustentandos ; non contra nutriendos divites a pauperibus, aut curandos medicos ab agrotis, aut doctos ab imperitis erudiendos, aut denique qui domibus abundant, excipiendo hospitio ab his, qui teclo carent : si igitur qui peccatorum vinculis constituti tenentur, et eos accedere debent, quibus dictum est : *Quæcumque soleritis etc.*

Quod etiam sequitur in verbis Jacobi : *Orate pro invicem, ut salvemini*, id significat, ut Presbyteri pro infirmis, non ut infirmi pro Presbyteri orient : resipci entim Jacobus ad id, quod ante dixerat : *Infirmatus quis in vobis ? inducat Presbyteros Ecclesie, et orient super eum..* Quod etiam indicat lectio Graeca, que ubi nos habemus : *Orate pro invicem, ut salvemini*, habet vocem *ταῦτη*, que ad sanitatem corporis proprie refertur.

Quartus locus habetur I Joan. 1. : *Si confitemamur peccata nostra, fidelis est, et justus, ut remittat nobis peccata nostra, et emundet nos ab omni iniuritate* (2). Ex hoc loco probabi-

liter colligitur Confessio Sacramentalis singularum peccatorum. Neque enim dubitari potest, quin loquatur Apostolus Joannes de confessione peccatorum, et quidem singularem in specie : nam id significant illa verba : *Si confitemamur peccata nostra* ; non enim ait, Si agnoscamus, aut confiteamur nos peccatores ; sed, *Si confitemamur peccata nostra.* Et cum verba sequentia : *Remittet nobis peccata nostra*, omnium consensu, de remissione peccatorum omnium, et singulorum in specie, intelligantur ; non possunt verba precedentia sine vitio aquivocationis alter accipi quam de confessione omnium, et singulorum peccatorum in specie.

Sed respondent adversarii, Apostolum loqui de confessione peccatorum, quæ Deo fieri debet, non de ea, quæ fit homini.

At solutio haec non difficulter refelli potest. Primum enim verba illa : *Fidelis est et justus etc.* referuntur ad promissionem divinam : ideo enim Deus fidelis et justus dicitur, dum peccata confitentibus remittit, quia stat promissio suis nec fides fallit. At promissio de remittendis peccatis iis, qui confitentur Deo peccata sua, non videtur illa exstare in divinis literis : exstat autem promissio apertissima illis, qui ad illos accedunt, quibus dictum est Joannis 20 : *Quorum remiseritis peccata, remittuntur eis, etc.* (3). Quare, si qui confitentur sacerdoti peccata sua, Deus fidelis et justus est, ut juxta suam institutionem, et promissionem, remittat eis peccata ipsorum.

Præterea si hoc loco promitteret Apostolus remissionem iis, qui Deo confitentur peccata sua, frustra dictum esset a Christo Apostolis : *Quorum remiseritis peccata etc.*, et *Quæcumque soleritis super terram etc.* nam cum multo facilius sit, Deo, quam hominibus confitentri, nemo esset qui ab hominibus remissionem quereret, si soli Deo confitido remissionem obtinere posset.

Denique si quem sacerdos absolvendum non esse judicaret, atque adeo peccatum eius retineret, frustra id faceret, si per confessionem sol Deo factam, invito etiam sacerdote, ille absolvaretur. Quocirca nec vera est illa sententia : *Ei quorum retinueritis, retenta sint, et, Quæcumque alligaveritis super terram, erunt ligata et in celo.*

Ut igitur omnia inter se apte cohærent, et unus Scriptura locus non pugnet cum altero, sed alter potius ex altero explicetur,

(1) I Pet. IV, 9. — (2) I Joan. I, 19. — (3) Joan. XX, 23.

omnino probabile est, S. Joannem de sacramentali confessione esse locutum.

CAPUT V.

Item probatur ex testimonis Conciliorum.

Addemus nunc testimonia Conciliorum veterum, que in diversis provinciis, varisque temporibus celebrata sunt, ex quibus cognosci poterit Ecclesiae universitas. Porro testimonia Conciliorum, que afferemus, etiam non aperi continent, Confessionem esse juris divini, continent tamen antiquam consuetudinem, et sepe etiam indicant necessitatem confundi peccata sacerdotibus. Ex quibus facile erit colligere, rem esse a Deo ipso praecipit; tum quia non inventur prima origo hujus praecipi in ullo Conilio; tum etiam quia non est ullo modo probabile, populos fideles praecipit, tam ardum ab hominibus admissuros fuisse, si per confessionem soli Deo, an generatim, factam, remissionem peccatorum obtinere potuerint.

Primum igitur in Ecclesia Orientali habemus testimonium Concilii Laodiceni, ante 1100. annos celebrati; sic enim legimus can. 2: « His qui diversorum peccatorum lapsus incurrit, et instant orationi, confessioni, ac penitentiae, malorum suorum perfectam conversionem demonstrantes, pro qualitate peccati tempus penitentiae tribuendum est. » Hic habemus confessionem, et quidem in specie, et hominibus faciendam; nam aliqui non possent homines pro qualitate peccati, tempus penitentiae assignare.

In canonibus quoque sexta Synodi qui a Graecis conditi sunt ante annos circiter 900. canon 102, ita legimus: « Oportet autem os, qui solvendi et ligandi potestate a Deo accepere, peccati qualitatem considerare, et ejus qui peccavit ad eam conversionem prouidum studium, et sic morbo convenientem afferre medicinam.

Ex quibus locis, ut etiam in testimoniis Patrum Graecorum, que in sequenti capite adducuntur, intelligi potest, falsum esse quod quidam dicunt, Graecos non sole confiteri peccata, nisi soli Deo: et in eo quod scribunt apud Gratianum, de Penitentia, distinct. 1. can. Quidam: « Quidam Deo solummodo confiteri debere peccata dicunt, ut Graeci;

illud, « ut Graeci », videtur irrepsisse in textum ex margine, et marginalem annotationem imperiti alicuius fuisse qui ex facto Nectarii collegit, sublatam omnino Confessionem sacramentalem apud Graecos. Nam aliqui in ipso capitulari Theodori, unde canon ille descriptus est, non habentur duas illae voces, « ut Graeci », neque etiam habentur in Conilio II. Cabilonensi, cap. 33. unde Theodorus capitulum illud accepisse videtur: sed nec Magister Sententiarum in 4. libro distinct. 17. eadem sententiam adducens, addidit illud, « ut Graeci ». Neque in concilio Florentino illa fuit controversia de confessione cum Graeci, eo excepto, quod Eugenius pontifex a nonnullis Graecorum Doctoribus privatum quasivit, eis sacerdotes ipsorum aucte Sacrificii celebrationem peccata sua non confiterentur. Denique Nicolaus Cabasilas in explicatione Liturgiae, cap. 29. et Anastasius Nicenus in questionibus super Scripturam, quest. 6. aperi docent Confessionem sacramentalem, cum tamen Graeci sint; et nostris diebus Hieremias Patriarcha Constantinopolitanus in Censura Confessionis Augustanae, cap. xi. reprehendit quod Lutherani dicebant, non esse necessarium omnia peccata per singulas species, in confessione enumrari. Atque hoc de Ecclesia Graeca.

In Ecclesia Latina, existat in primis can. 31, Concilii III. Carthaginensis ante annos 1100. celebrati, ubi sic legimus: « Ut penitentibus secundum peccatorum differentiam, Episcopi arbitrio, penitentiae tempora decernant. » Et idem canon repetitus invenitur in Conilio Africano, can. 10. Dubium vero esse non potest, quin oporteat peccata omnia in Confessione detegi, si juxta peccatorum differentias penitentiae tempora discernantur.

Deinde exstat canon. 8. Concilii I. Cabilonensis ante 1000. circiter annos celebrati, in hac verba: « Ut penitentibus a sacerdotibus, facta confessione, indicatur penitentia, universitas sacerdotum noscitur convenire. »

Exstat, etiam canon 32. Concilii II. Cabilonensis, ante annos circiter 800. ubi sic legimus: « Sed et hoc emendatione indigere perspicimus, quod quidam dum confiteri peccata sua sacerdotibus, non plene id faciunt. Quia ergo constat, hominem ex duabus esse substantiis, anima videlicet et corpore et interdum animi motu, interdum carnis fragilitate peccatur: solerti indagatione de-

CAPUT VI.

bent inquire ipsa peccata, ut, ex utriusque plena sit confessio; scilicet ut et ea confitentur, quae per corpus gesta sunt, et ea quibus in sola cogitatione delinquuntur. »

In Conilio Turonico III. circa idem tempus celebrato, cap. 22. ita legimus: « Episcopis et Presbyteris diligent cautela retractandum est, qualiter hominibus sibi sua delicta constitutibus, tempus abstinentia adscrivant. » Simili habentur in Conilio Remensi ejusdem antiquitatis, canon. 12. et 16, et Pariensi cap. 32. et 46. Atque haec omnia Concilia sunt Ecclesiae Gallicanae.

Nec minus perspicua testimonia habemus Ecclesiarum Germaniarum; nam in concilio Munguntino sub Rabano Archiepiscopo, cap. 26. ita statuitur: « Ab infirmis in mortis periculo positis, per Presbyteros pura inquirenda est confessio, non tamen illis imponenda quantitas penitentia, sed innotescenda. » Vide etiam cap. 27.

In Conilio Wormaciensi celebrato anno Domini 868, utinam ejusdem Concilii legimus cap. 23, ita scriptum est: « penitentias secundum differentiam peccatorum, sacerdos arbitrio penitentias discernuntur. Debet itaque sacerdos in penitentia dandas singularium causas singulatim considerare, originem quoque, modumque culparum, et effectus, gemitusque delinquientis, a sacris regulis oculos non deflectat. » Ex his testimoniorum sat apparel, antiquas Germanias Ecclesias longe aliter de Confessione sensisse ac docuisse, quam nunc sectari, ac novatores Lutherani sentiant et doceant.

Hic accedunt Concilia Generalia: Lateranense, sub Innocentio III. cap. 21. Constantiense sess. 8. Florentinum in Instruct. Armenorum, et Tridentinum sess. 14. que licet, quod recentiora sint, ab adversariis contemnuntur, tamen injurya contemnuntur: nam et antiquissimis Concilii congruentem fidem ac doctrinam tradiderunt, et totius Ecclesiae Catholicae, que his 400. annis floruit, sententiam continent, ut errare non potuerint, quin tota Ecclesia errasse, atque adeo portis inferi succubuisse dicatur.

Quae vera sunt que dicit Kemnitius pag. 1000. per Exomologesim intelligi ab Ireneo confessionem publicam publicorum sceleurum, ob qua excommunicari homines merabantur. Nam in 1. lib. cap. 9. loquitur de occulto crimen, immo etiam de occulte cupiditate, quae nisi ex confessione feminarum illarum cognosci non potuisset: in lib. autem 3. cap. 4. aperissime Ireneus dicit, Cerdonem Exomologesim fecisse, postquam latenter haeresim suam docuerat. Quare lo-

CAPUT VI.

Item probatur ex traditione veterum Patrum, qui floruerunt ab anno Domini 100 ad 200.

Testimoniis Conciliorum merito adjungi possunt testimonia veterum Patrum Graecorum et Latinorum, qui singulis etatibus in Ecclesia floruerunt.

Primum igitur sit S. Ireneus, qui in ipso primo seculo post Apostolorum excessum floruit, quique proxime Apostolorum utati successit. His in 1. libro cap. 9. ita scribit de quibusdam foeminiis, quas Marcus haereticus circumvenerat: « Ha sepiissime conversæ ad Ecclesiam Dei confessæ sunt, et secundum corpus exterminatas se ab eo velut cupidine, et inflammatis, valde se illum dilexisse. » Et infra de aliis pariter seducta: « Cum magno labore fratres eam convertissent, omne tempus in Exomologesim consummavit, plangens, et lamentans ob hanc quam passa est ab hoc mago corruptelam. » Et lib. III. cap. IV. « Cerdon, inquit, saepe in Ecclesiam veniens, et Exomologesim faciens, sic consummavit, modo quidem latenter docens, modo vero Exomologesim faciens. »

Quo loco observandum est, nomine Exomologesis, apud veteres interdum non intelligi solam Confessionem, sed etiam contritionem et Satisfactionem, ut perspicuum est, tum ex Tertulliano in lib. de Penitentia, tum ex loco Irenei citato ex lib. 1. cap. ix. interdum autem intelligi solam Confessionem, ut patet ex Cypriano in serm. de lapis. Nunquam vero Contritionem vel Satisfactionem sine confessione per eam vocem significari. Itaque Ezomologesis Confessio est, vel sola, vel cum adjunctis aliis Penitentiae partibus.

Neque vera sunt que dicit Kemnitius pag. 1000. per Exomologesim intelligi ab Ireneo confessionem publicam publicorum sceleurum, ob qua excommunicari homines merabantur. Nam in 1. lib. cap. 9. loquitur de occulto crimen, immo etiam de occulte cupiditate, quae nisi ex confessione feminarum illarum cognosci non potuisset: in lib. autem 3. cap. 4. aperissime Ireneus dicit, Cerdonem Exomologesim fecisse, postquam latenter haeresim suam docuerat. Quare lo-

guitur in utroque loco de confessione secretorum, sive occultorum scelerum.

Secundo loco habemus Tertullianum, qui floruit ad exitum ejusdem saeculi, Severo imperante, ut ipse testis est in Apologetico, cap. 4. Is in libro de Penitentia, multa docet, quae notanda sunt, quoniam Kemnitius hunc etiam locum depravat.

Primum igitur explicat Tertullianus, quid sit Exomologesis, ac dicit esse actum Penitentiae, quo delictum nostrum confitemur Domino: « Is actus, inquit, qui magis Graco vocabulo exprimit, et frequentatur, Exomologesis est, qui delictum nostrum Domino confitemur. » Quod autem dicit, Exomologesim fieri Deo, significat, Deo fieri per sacerdotem, non autem solo Deo: id quod ex sequentibus aperte colligitur. Nam continuo adjungit, per Confessionem disponi Satisfactionem, et Penitentiam nasel: quia videlicet sacerdos auditia Confessione, disponit atque ordinat, que satisfactio necessaria sit, et eam penitentiad injungit.

Deinde paulo post addit, nonnullos ex pudore quadam, et humana verecundia a Confessione abhorrisse; que verecundia non habet locum in Confessione, que soli Deus sit: « Plerosque, inquit, hoc opus, ut publicationem sui, aut suffugere, aut de die in diem differre presumunt, pudoris magis memores quam salutis: velut illi, qui in partibus verecundioribus corporis contracta vexatione, conscientiam medientium vitant, et ita cum erubescuntia sua perent. » Et paulo infra per ironiam ita scribit: « Grande plane emolumenntum verecundiae, autem dilecti pollicetur, videlicet, si quid humana notitia subduxerimus, proinde et Deum celabimus. Adeo existimat homo, et Dei conscientia comparantur? an melius est damnatum latere, quam palam absolvit? » Et in libro extremo, hanc Exomologesim a Deo institutam, atque aede necessarium esse docet, cum ait: « Si de Exomologesi retractas, gehennam in corde considera, quam tibi Exomologesi extinguit. » Et infra: « Peccator restituendo sibi institutam a Domino Exomologesim sciens, præteribit illam, quae Babylonium regem in regna restituit. »

Kemnitius loco notato duo dicit ad hoc testimonium Tertulliani. Primo loqui cum de Penitentia publica tantum. Secundo, loqui de Confessione, qui fiebat non solis Presbyteris, sed etiam laicis: nam sic loquitor Tertullianus: « Ergo cum te ad fratrum ge-

nua protendis, Christum contractas, Christum exoras. »

Respondeo, loquitor fortasse Tertullianus de Penitentia publica, sed que fiebat post Confessionem secretam. Sapere enim agebatur publice Penitentia, et tamen peccatum in specie non aperiebatur, nisi sacerdotibus: nam peccata solum publica publice confitenda erant, quae autem secreta erant, nemo cogebatur publice confiteri. Tertullianus autem loquitur de peccatis secretis, ut ex verbis ejus perspicuum est. Non enim diceret, homines suffugere aut differre Confessionem verecundie causa: neque compararet ejusmodi homines cum iis, qui morbo vexantur in partibus corporis secretis; neque illud adderet, si quid humana notitia subduxerimus, non tamen Deo posse celari; nisi de peccatis occulitis, ac secretissimis loqueretur. Itaque occultorum et secretorum Confessionem homini faciendam, necessariam ad salvam existimat Tertullianus: talium autem peccatorum confessio publica esse non debet, neque ab Ecclesia exigebatur, nisi secreta. Quod si etiam Tertullianus vellet, secretorum peccatorum confessionem publicam esse faciendam, certe multo magis concederet, saltem secretam esse necessariam. Proinde Tertullianus testimonio aut idipsum requiritur quod nos docemus, aut aliquid gravius, et durius: nullo autem modo id quod Kemnitius, et Lutherani volunt, qui solum in generale, aut de peccatis publicis confitentur.

Quod attinet ad id, quod Tertullianus dicit porneentes advolvi consueisse fratribus, duobus modis responderi potest. Nam aut ipsos Presbyteros vocat fratres, siquidem paulo ante dixerat, penitentes adsolvi presbyteris; et recte vocare poterat eos fratres, quia de illis tractabat, ut distinguuntur a Deo, qui est communis omnium Pater: aut certe cum dicit, penitentes advolvi fratibus loquitor de oratione, non de Confessione, presertim in specie. Solebant enim penitentes abficerre se ad pedes omnium fratrum, ut eorum precibus se commendarent: hoc enim sonant illa verba: « Cum te ad fratrum genua protendis, Christum contractas, Christum exoras. » Et paulo ante apertius omnia distinguens ait: « Presbyteris advolvi, aris Dei aggeniculari, omnibus fratribus legationes depreciationis sue injungere. » Ac de Tertulliano satis.

CAPUT VII.

Testimonia Patrum ab anno 200 ad 300.

Origenes ad initium secundi saeculi post Apostolos floruit, imperante Alexandro Mammeo, Is in 2. homil. in Levit. sic ait: « Est adhuc et septima, licet dura, et laboriosa per Penitentiam remissio peccatorum, cum lavat peccator in lacrymis stratum suum, et fluit ei lacrymae sue panes die ac nocte, et cum non erubescit sacerdoti Domini indicare peccatum suum, et querere medicinam, secundum eum, qui ait: Dixi, pronuntiatio adversum me injustitiam meam Domino, et tu remisisti inpletatem cordis mei: in quo impletur et illud, quod Apostolus dicit: Si quis infirmatur, vocet Presbyteros etc. » Hoc loco Origenes loquitur de Confessione facienda Sacerdoti, ut verba ejus indicant, et de Confessione peccatorum in specie, et occultorum, quorum homines erubescere solent; aliqui non diceret: « Non erubescit indicare peccatum suum. » Denique loquitur de confessione, que in divinis litteris fundamentum habet, ut patet ex eo quod testimonium sancti Jacobi adducit in medium.

Idem Origenes homil. 3. in Levit. explicans illud: « Si peccaverit unum ex istis, pronuntiet peccatum, quod peccavit. » — « Est inquit, aliquod in hoc mirabile secretum. Etenim omni genere pronuntianda sunt, et in publicum preferenda cuncta que egremus; si quid in occulto gerimus, si quid in sermone solo, vel etiam inter cogitationum secreta commisisimus, cuncta necesse est publicari, cuncta proferri; proferri autem ab illo, qui et accusator peccati est, et inceptor: ipse enim nunc nos ut peccemus instigat; ipse etiam cum peccaverimus, accusat. Si ergo in vita præveniamus eum, et ipsi nostri et accusatore simus, nequitiam diaboli iniurie nostri et accusatoris effugimus; sic enim et alibi Prophetæ dicit: « Die tu iniquitates tuas prior, ut justificeris. » His verbis Origenes, sicut docet in die Iudicii omnia peccata nostra etiam occultissima, et solo sermone vel cogitatione patrata a Satana in medium preferenda; ita docet, ut si velimus ea purgari, omnia, videlicet etiam occultissima, et solo verbo vel cogitatione admissa, sacerdoti produamus.

Idem auctor homil. 2. in Psalm. 37: « Vi-

de, inquit, quid edocet nos Scriptura divina, quia oportet peccatum non celare infrinsecus. Fortasse enim sicut ille, qui habent intus inclusum escam indigestam, aut humoris vel phlegmatis, stomacho graviter, et molestie imminentia, si vomuerint, relevantur ita ii qui peccaverunt, siquidem occultant et retinent intra se peccatum, intrinsecus urgent, et propemodum suffocantur a phlegmate vel humore peccati: si autem ipse sui accusator fiat, dum accusat semet ipsum et continetur, simul evomit et delictum, atque omnem morbi digerit causam. Tantummodo circumspice diligenter cui debeat confiteri peccatum tuum; proba prius medium, cui debeat causam languoris expondere, qui sciat infirmari cum infirmitate, flere cum flente, qui condolendi, et compatiendi noverit disciplinam: ut ita demum, si quid ille dixerit, qui se prius et eruditum medium ostenderit, et misericordem, si quid consilii dederit, facias et securias. Si intellexerit, et praverit talen esse languorem tuum, qui in conventu totius Ecclesie exponi debeat et curari ex quo fortassis et ceteri adificari poterunt, et tu ipse facile sanari; multa hoc deliberatione, et satis perito Medie illius consilii procurandum est. » Ex hoc loco dicimus, Confessionem esse necessariam, etiam occultorum criminum, nec tamen oportet omnia peccata publice confiteri, sed omnia quidem privati, publice autem solum publica, aut ea, que maturo consilio Sacerdos judicabit esse prodenda.

Kemnitius pag. 1004. ad hunc locum respondet, Origenem non loqui de omnibus peccatis, cum dicit, ea medico perito esse confitenda, sed solum de illis, de quibus dubitari poterat, an essent publice manifestanda. Quia enim nomini, temere peccata oculata publice confitebantur, consilium dari ab Origene scribit Kemnitius, ut ejusmodi peccata non sine consilio aliquius periti medie publicentur. Probat autem Kemnitius, Origenem non loqui de omnibus peccatis, hoc modo: « Quod, inquit, Origenes in illo loco non in genere de omnibus et singulis peccatis sacerdoti confitenda loquatur, inde manifestum. In prima enim homilia, loquitur de delictis, concepientiis, et commissis, que ante Deum proferuntur; et in conspectu ipsius per gemutum exponuntur. Deinde in secunda homilia in principio, loquitur de lapsibus, qui olim ad publicam Confessionem pertinuerunt: quia vero inde seque-

bantur obtrectationes, suadet Origenes, ut tales lapsus primum sacerdoti exponuntur, ut de ejus consilio vel suscipiat publica Confessio, vel omittatur.

Sed haec distinctio Kemnitii vanissima est: siquidem Origenes in utraque homilia de omnibus peccatis loquitur. Ac in priore quidem, dicit omnia Deo esse confitenda, et pro omnibus gemendum, et supplicandum; in posteriore manet, illa eadem hominibus confitenda, primum privatum, deinde publice juxta consilium sacerdotis. Haec autem sunt verba Origени in fine prioris homiliae: « Omnia, inquit, ex quo deliqui, sive concupivis concupiscentiam secularis, sive quid aliud commisi, omnia ante te profero, et in orationibus meis in conspicu tuo pono.» Vides quam aperte de omnibus omnino loquatur in priore homilia, et non de quibusdam tantum, que ad publicam Confessionem non pertinenter, ut fingit Kemnitius.

Idem etiam Origenes homil. 17, in Lucam explicans illud: « Ut revelentur ex multis cordibus cogitationes », ostendit peccata, que Deo confitendum esse etiam hominibus confitenda: « Unde, inquit, et nos si peccaverimus, debemus dicere: Peccatum meum notum tibi fœci, et iniuritatem meam non abscondi, Dixi : Annuncio in justitiam meam contra me Dominum. Si enim hoc fecerimus, et revelaverimus peccata nostra non solum Deo, sed et his qui possunt mederi vulneribus nostris, atque peccatis, delebuntur peccata nostra ab eo, qui ait: Ecce deleo ut nubem iniurias tuas, et sic ut caliginem peccata tua. » Hac ille, qui satis apte ostendit, non esse distinguenda peccata, que Deo, que Sacerdoti sim aperienda; sed eadem utrue, atque omnia confitenda.

Secundo loco habemus S. Cyprianum, qui eodem saeculo, licet aliquando posterius, quam Origenes floruit. Hie igitur beatissimus Martyr, in epist. 16, lib. iii. ad plebem suam ita loquitur: « Nam cum in minoribus delictis, que non in Dominum committuntur, Poenitentia agatur justo tempore, et Exomologesis fiat, inspecta vita ejus, qui agit Poenitentiam, nec ad communicationem venire quis possit, nisi prius illi ab Episcopo et Clero manus fuerit imposta: quanto magis in his gravissimis et extremis delictis caute omnia et moderate secundum disciplinam Domini observari oportet? » Hie habemus Exomologesim necessariam secundum disciplinam Domini, et talem Exomologesim,

ut ex ea poenitentis vita inspici, et cognosci possit. Proinde habemus Confessionem omnium peccatorum. Jure divino esse necessarium: neque enim, Exomologesis generalis, aut aliquorum tantum peccatorum, vitam penitentis ita detegit, ut ea plane inspici possit.

Idem auctor serm. 5, de lapsis: « Denique inquit, quanto et fide maiore, et timore meliore sunt, qui quamvis nullo sacrifici, aut libelli facinore constricti, quoniam tamen de hoc vel cogitaverunt, hoc ipsum apud sacerdotes Dei dolenter, et simpliciter confitentes, Exomologesis conscientiae faciunt, animi pondus exponunt, salutarem medelam parvis licet, et modicis vulneribus exquirunt. »

Ad hunc locum respondeat Kemnitius, pag. 1003, ac dicit, hoc loco a Cypriano non propone præceptum, vel consuetudinem universalem, sed exemplum quorundam, qui fide maiore, et timore meliore erant. Addit etiam, non loqui Cyprianum de Confessione omnium peccatorum, vel omnium malarum cogitationum, sed ejus tantum cogitationis, qua de Idolatria commitienda, sive de Christo abnegando suscepta fuerat: proinde pertinere hanc sententiam ad publicam Poenitentiam, et ad publica crima.

Sed ista objectiones ex eodem Cypriano facile refelluntur: non enim Cyprianus exemplum proponit Confessionis liberae, sed necessariae, ut patet ex sequentibus verbis. Nam posteaquam dixerat: « Salutarem medelam parvis licet, et modicis vulneribus exquirunt, » adjungit continuo: « Scientes scriptum esse: Deus non deridetur. Derideri et circumveniri Deus non potest, nec astutia aliqua fallente deludi: plusimo delinquit, qui secundum hominem Deum cogitans, evadere se ponam criminis credit, si non palam crimen admisit; » et paulo infra de iisdem, qui sola cogitatione peccaverunt, ita loquitur: « Minus plane peccaverunt non videntio idola, nec sub oculis circumstantis, atque insultantis populi sanctitatem fidei profanando, non polluendo manus suas funestis sacrificiis, nec sceleratis cibis ora macnando. Hoc et proficit, ut sit minor culpa, non ut innocens conscientia; facilius potest ad veniam criminis pervenire, non est tamen immunis a crimine; nec cesset in agenda Poenitentia, atque in Domini misericordia deprecanda, ne quod minus esse in qualitate delicti videtur, in neglecta satisfactionem cumuletur; confiteantur singuli, queso, fratres, delictum suum, dum adhuc,

qui deliquit, in saeculo est, dum admitti Confessio eius potest, dum satisfactio et remissio facta per sacerdotes apud Dominum grata est. »

Ex his manifeste colligimus auctore Cypriano, necessarium esse confiteri peccata omnia mortalia, etiamsi sola cogitatione commissa sint. Quare verba illa: « Quando et fide maiore, et timore meliore sunt, qui etc. » non continent exemplum Confessionis non necessariae, ut Kemnitius existimat, sed argumentum a minore ad majus. Si enim qui sola cogitatione peccant, Poenitentiam agunt, atque Exomologesim faciunt, quanto magis id fieri deberet ab iis, qui vero et opere peccata committunt?

Quod autem Kemnitius addit, Cyprianum loqui solum de cogitatione abnegationis Christi, et proinde hanc sententiam pertinere ad Poenitentiam publicam, et criminis publica, ridiculum est. Neque enim cogitatio de peccato aliquo patrando, publica dici potest, aut debet, etiamsi peccatum illud publicum esse possit: neque ullo modo ad peccatum publicum pertinet cogitatio, nisi peccatum ipsum publicum ex ea cogitatione producitur. Quomodo enim ad peccatum publicum pertinet, quod neque in se est publicum, neque est peccati publici causa? et quis unquam audivit in Ecclesia id fieri solitum, ut ob solam internam cogitationem abnegationis Christi, aliquis excommunicaretur, aut publicam Poenitentiam subire cogeretur? etiamsi qui palam Christum abnegant, jure excommunicantur, et Poenitentiam publica subiiciantur. Non igitur Cyprianus Confessionem ejusmodi cogitationem exigebat, quod ea cogitationes de peccata publica pertinenter: sed quod esset peccata lethalia, quamvis occulta, atque inferna.

Addit quod si cogitatio abnegationis Christi necessario confitenda esset, quia ad peccatum publicum pertinaret, nimur ut causa quedam peccati, quod publicum esse potuit: eodem modo cogitationes rapinae, adulterii, homicidii, blasphemiae, perjurii, aliorumque ferme omnium criminum necessario confitenda erunt, cum cause esse possint scelerum publicorum. Itaque quidquid dixerit, eo tamen illi venientium erit, ut peccata omnia in Confessione detegenda esse fateatur.

CAPUT VIII.

Testimonia Patrum ab anno 300. ad 400.

Jam vero tertio saeculo post Apostolos, habemus primum Lactantium, qui cum Cri-
spi Casaris institutor fuerit, et Imperatori Constantino libros suos nuncupaverit, sine dubio ad initium tertie etatis post Apostolica tempora floruit.

Is igitur in lib. vi. divinarum Institutio-
num, cap. 17, explicans rationem cur Deus Circumisionem in Testamento veteri impe-
rat, ac docens, eam Confessionis ac Pœni-
tentiae figuram fuisse, ita loquitur: « Ob
hanc causam Deus nudari eam jussit, ut hoo
argumentum nos admoneret, ne involutum
pectus haberemus, id est, ne quod pudendum
facimus intra conscientia secreta velemus.
Hec est cordis circumcisio, de qua Prophetæ
loquuntur, quam Deus a carne mortali ad
animam transtulit, que sola mansura est.
Volens enim vita ac salute nostra pro eterna
sua pietate consulere, Pœnitentiam nobis in
illa Circumcisione propositum, ut si cor mun-
daverimus, id est, si peccata nostra confessi,
satis Deo fecerimus, veniam consequamur,
qua contumacibus, et admissa sua celansibus
denegatur ab eo, qui non faciem siue homo,
sed intima, et arcana peccoris intuetur. »

Idem Lactantius in extrem. lib. Novatianos
damnans, ponit pro nota vera Ecclesie
confessionem: « Sed tamen, inquit, quia sim-
guli quique cœtus Hereticorum se possi-
munt Christianos, et suam esse Catholicam
Ecclesiam putant, sciendum est, illam esse
veram, in qua est Confessio, et Pœnitentia,
que peccata, et vulnera, quibus subiecta est
imbecillitas carnis, salubriter curat. » Hæc
Lactantius.

Deinde habemus S. Athanasium, qui in
serm. in illa verba: « Profecti in pagum, qui
ex adverse est, inventis pullum ligatum,
etc. », ad finem sermonis ita loquitur: « Non
ipso examinemus, num soluta sint nostra
vincula, ut in melius proficiamus. Quod si non
dum soluta sint vincula, tradas te ipsum disci-
pulis Iesu: adsunt enim qui te solvant pro
potestate ea, quam a Salvatore accepérunt.
Quicumque enim ligaveritis, inquit in terra,
erunt ligata, et in celis: et quacunque solu-
ritatis in terra, erunt soluta et in celis: et

si quibus remiseritis peccata, remittuntur ei. Tertio, habemus S. Hilarium, can. 48. in Matth. ubi sic loquitur : « Ad terrem autem metus maximus, quo in praesens omnes continentur, immobile severitas Apostolicae Judicium premissit, ut quos in terra ligaverint, id est, peccatorum nodis innexos reliquerint, et quos solverint, Confessione videlicet venie reelperint in salutem, hi Apostolice conditione sententiae, in celis quoque, an soluti sint, aut ligati. »

Quarto habemus sanctum Basilium in questionibus sive regulis brevioribus, ita praeicientem, regula 229 : « Omnia in peccatorum confessione eadem ratio est, que etiam in apertione vitiorum corporis. Ut igitur vitia corporis nequaquam quibusvis temere, homines aperient, sed illi tantummodo, qui rationem, qua ea curanda sint, teneant : eodem modo etiam peccatorum confessio fieri debet, apud eos videlicet, qui ea possint curare »; et regula 228. explicat clarius, qui sint qui peccata possunt curare, nimisrum soli sacerdotes : « Necessario, inquit, « illi peccata aperiri debent, quibus credita est dispensatio mysteriorum Dei. »

Ad hunc locum (Lactantio, Athanasio et Hilario, praetermissis) respondet Kemnitius, pag. 988. et 1017. S. Basilus loqui de confessione generali, qua ponentes peccatorum se agnoscit, ac fatetur : vel de confessione aliorum peccatorum, que magis conscientiam gravant : que quidem confessio fiat instructionis, et consiliis gratia. Itaque neque omnium peccatorum, in specie, neque necessario, sed aliquorum tantum, et non necessario Confessionem fieri debere Kemnitius docet.

At ex ipsis S. Basili verbis utrumque refellitur. Quod enim omnia peccata in specie confitenda sint, patet ex duabus. Primo ex illa similitudine medici, et medicinae corporalis, quam Basilus adhibet regula 229. Neque enim curari potest corporaliter, qui medico solum dicit, se morbo aliquo laborare, nisi in specie detegat morbum; et si pluribus morbis laborat, nisi eos omnes singulatim exponat, aliqui enim medicamentum potius obserbit, quam proderit, nisi ad certum morbum convenienter applicetur. Secundo ex ratione, quam idem Basilus reddit regula 228. cur oportet sacerdoti peccata detegere : ratio enim est, quoniam conversionis modus accommodatus esse debet ad rationem peccati, ut ipse Kemnitius ver-

tit pag. 1017. Quomodo autem poterit sacerdos accommodare modum conversionis ad rationem peccati, id est, actionem externam Penitentie injungere, qualis, et quantum peccata requirunt, nisi peccata ipsa omnia in specie noverit ?

Esse autem Confessionem necessariam, et non solum consilii gratia faciendam, perspicuum est, tum ex eadem morbi similitudine, et ratione jam explicata, tum ex ipsa voce, Necessario, qua Basilus usus est. Frustra enim Kemnitius pag. 988. verit : « Necessarium videtur »; et pag. 1017 : « Apud est : nam in ipso texto Graeco non est, « videtur », neque « apud est » sed similierte, « εντητον », Necessarium. » Quare sic redidit Godfridus Thimamus : « Necessario illi peccata aperiri debent, quibus credita est dispensatio mysteriorum Dei. »

Quinto habemus S. Ambrosium, qui lib. II. de Poenitentia, cap. 6. sic ait : « Si vis justificari, fatore delictum tuum : solvit enim criminum nexus secunda confessio peccatorum », et cap. 9. scribit multos fuisse, qui libenter confitebantur privatum Sacerdotibus, sed publice in Ecclesia satisfacere recusabant : « Plerique, inquit, futuri supplici metu peccatorum suorum consciit, Poenitentiam petunt : et cum accepissent, publice supplicationis revocantur pudore; » et cap. 10 : « An quisquam ferat, ut erubescas Deum rogare, qui non erubescis rogare hominem ? et pudeat to Deo supplicare, quem non latet ; cum non pudeat peccata tua homini, quem lateas, confiteri ? »

Ipsum etiam S. Ambrosium Confessiones audire solitum, et quidem privatum, testatur Paulinus in vita ejusdem, his verbis : « Quotiescumque illi aliquis ob percipiendam Poenitentiam lapsus suos confessus esset ; ita flebat, ut et illum flere compellere videbatur etiam sibi cum jacente jacerre. Causas autem criminum, quas illi confitebantur, nulli nisi Domino soli, apud quem intercedebat, loquebatur. »

Sexto habemus S. Gregorium Nyssenum in epistola canonica ad Episcopum Mitylenes, que exstat in Bibliotheca sanctorum Patrum, tom. I. Is enim c. 1. epistola ejusdem, meminit confessionis peccatorum quae singulis annis circa Pascham festum fieri solet : « Recte, inquit, habuerit, si hodierno die non solum eos, qui ex regeneratione per lavacri gratiam transmutati sunt, adducamus, sed eos etiam qui per Poenitentiam, et

Confessionem, a mortuis operibus ad viventiam ascendunt, ad viventem spem tanquam manu deducamus, a qua per peccatum alienati sunt. »

Ac de confessione singulorum peccatorum, non autem generali, Gregorium loqui, testantur verba sequentia, in quibus ducta similitudina a morbis, et medicamentis, docet varias curations adhibendas esse peccatoribus pro ipsis peccatorum varietate. Non autem possunt Sacerdotes varietatem peccatorum cognoscere, nisi penitentes ipsi peccata sua singillatim aperiant : « Quemadmodum, inquit, in corporali medela unum est quidem institutum medicinae, sanare eum qui laborat, varium autem est curatio eius (pro morborum enim varietate, convenienter quoque medicinae ac disciplina unicuique morbo applicatur), ita cum multis in morbo quoque anima affectionum varietas, multififormis quoque necessario fuerit medicina curatio, ad afflictions rationem medicinam exercens. » Hæc ille.

Exstat etiam oratio ejusdem Gregorii in mulierem peccatricem, ubi hoc habentur verba de Confessione : « Audacter ostende sacerdoti, que sunt recondita, animi arcana tangunt occulta vulnera medico retege : ipse et honoris, et valetudini tue rationem habebit ; » quo in loco etiam occulorum Confessionem faciendam esse docet.

Septimo habemus S. Pacianum, qui in Panonesi ad Poenitentiam, sic loquitur : « Vos primum appello fratres, qui criminibus admissis Poenitentiam recusat, vos, inquam, post impudentiam timidos, post peccata recundos, qui peccare non erubescitis, et erubescitis confiteri. » Et infra : « Ecce iterum Apostolus ad sacerdotem : Manus, cito nulli imponas, nec communices peccatis alienis. Quid facies tu, qui decipis sacerdotem ? qui aut ignoranter fallis, aut non ad plenum scientem, probandi difficultate confundis ? Quo loco Pacianus docet oportere sacerdoti omnia peccata in Confessione detegi, ut his tuto manus imponere possit : addit etiam de oculis : « Rogo vos fratres etiam pro periculo meo, per illum Dominum, quem occultis non fallunt, desinite vulneratum tegere conscientiam : prudentes agri medicos non vererentur, ne in occultis quidem partibus, etiam secuturos, etiam perusturos. » Porro infra alloquitur eos, qui peccata quidem singillatim, et omnia ad plenum confitebantur, et graviorem Poenitentiam multelet refugie-

bant : « Nunc, inquit, ad eos sermo sit, qui bene ac sapienter vulnera sua, Poenitentia nomine confitentes, nec quid sit Poenitentia, nec quae vulnerum medicina, noverunt : similesque sunt illis, qui plagas quidem aperiant, ac tumores, medicisque etiam assidentibus confitentur, sed admoniti que impoena sunt negligunt, et que bibenda fastidunt »; ex quo loco intelligimus, Confessionem accuratam semper in usu fuisse apud Christianos.

Quarto saeculo habemus S. Joannem Chrysostomum, quem satis constat ad initium quarti saeculi post Apostolorum floruisse. Is in homil. 30, in Genesim, meminit Confessionis quae in hebdomada sancta ante festum Pasche fieri debet, cuius etiam Gregorium Nyssenum meminisse supra notavimus : « Quia, inquit, in magnam hanc hebdomadam pervenimus. Dei gratia, nunc maxime et jejuni cursus intendendus, et magis continuande sunt preces, faciendaque diligens, et pura Confessio peccatorum. » Hæc ille, qui tametsi non aperie dixerit, Confessionem sacerdoti faciendam esse, tamen in aliis locis id non tacuit ; ut omittat, quod cum ejusdem confitudinis meminirent Chrysostomus et Nyssenus, et hic disertis verbis docerent sacerdoti confessionem esse faciendam, dubitari non potest, quin etiam ille hoc senserit.

Idem Chrysostomus homil. 33, in Joannem hortatur ad confessionem criminum occultorum : et cum certum sit ex multis aliis locis, Chrysostomum non probasse Confessionem publicam, sequitur ut ad Confessionem privatam hortatus sit penitentes : « In peccatis, inquit, que commisimus, confitendis, neminem verecamur ; Deum dunitaxat, ut debet, formidemus, qui et nunc opera nostra videt, et tunc quos in praesentia non ponit damnable. » Et infra : « Commissisti aliquod scelus, antimo agitasti, homines celas, non Deum, et nihil curas, oculos hominum formidas. » Et infra : « Ven autem hortor, dilectissimi, ut et si nemo opera nostra videat, ut singuli suam conscientiam ingrediantur, et judicem sibi rationem constituant, errata sua in medium adducant, nisi velint in die

illa horrenda universo orbi ea manifeste patere : sanentur jam vulnera : sumatur Penitentiae medicina. »

Porro confessionem peccatorum apud sacerdotem faciendam esse, colligitur apertissime ex lib. II. et III. de sacerdotio : nam in II. libro sic ait Chrysostomus : « Quamobrem multa quidem arte opus est, ut qui laborant Christiani, ultra sibi persuadeant, Sacerdotum curationi sese submittere oportere. » Et paulo post : « Evidenter complures recensere possim, quos constat in extrema mala adactos, non ob aliud, nisi quod digna ab eis ponata, et quae peccatis perpetratis par esset, exigereatur. Neque enim temere ad delictorum modum oportet et multatam ipsam adhibere : sed tanquam conjecturis quibusdam explorandus est delinquentium animus, non qua fiat, ut dum consuere vis quod interruptum est, scissuram deteriorem facias. Quo loco docet Chrysostomus, in injungenda penitentia, non solum rationem habendam esse sacerdotis gravitatis, et multitudinis peccatorum, sed etiam infirmitatis et debilitatis ejus, qui peccavit. Constat autem non posse ista cognosci, nisi ex confessione diligenter et accurata delinquentis : quare voluit Chrysostomus, confessionem peccatorum omnium etiam occultissimorum, que non minus curatione agent, quam manifesta fieri debere apud sacerdotes. Vide etiam lib. 3. de sacerdotio.

Secundo, habemus S. Hieronymum, Chrysostomi aequalem. Is in comment. ad cap. 10 Ecclesiastae, habet haec verba : « Si quem serpens diabolus occule momordet, et nullo conso, peccati veneno inficeret ; si tacuerit qui percussus est, et non erigerit penitentiam, nec vulnus suum fratri et magistro voluerit confiteri, magister, qui habet lingua ad curandum, facile ei prodesse non poterit. Si enim erubescat agrotus vulnus medico confiteri, quod ignorat, medicina non curat. »

Idem in comment. ad cap. 16. Matth. : « Legimus, inquit, in Levitico de leprosis, ubi jubentur ut ostendant se sacerdotibus, et si lepram haberint, tunc a sacerdote immundi fiant : non quo sacerdoties leprosos faciant, et immundos, sed quo habeant notiam leprosi, et possint discernerem qui mundus, quive immundus sit. Quomodo ergo ibi leprosum sacerdos mundum, vel immundum facit : sic et hic alligat vel solvit Episcopus, et Presbyter : non eos, qui insontes sunt, vel

noxii, sed pro officio suo cum peccatorum audierit varietates, scit qui ligandus sit, quive solvendus. » Heec ille. Quo loco S. Hieronymus apertissime docet, oportere sacerdotem audire peccatorum varietates, atque id pro officio suo ; ex quo intelligimus, non satis esse si penitentes generatim, aut manifesta peccata tantum confiteantur, sed omnino necessarium esse, ut singulatim peccata omnia sacerdotibus detegantur.

Neque movere nos debet comparatio illa cum sacerdotibus leviticis, qui lepram non vere eabant, sed declarabant. Nam similitudo in eo solum consistit, quod quemadmodum sacerdotes leviticis non poterant leprosos curare sine ipsorum cooperatione, sola sua potestate, sed tantum iudicabant eos esse leprosos et a consortio ceterorum segregabant : sic etiam sacerdotes Christiani, non possunt sola sua potestate peccatores justificare, nisi ipsi etiam per Penitentiam, et Confessionem cooperarent, tamen si cooperarent, plane possunt. Quare idem S. Hieronymus cum dixisset : « Pro officio suo cum peccatorum audierit varietates », non addidit, Scit qui ligatus sit, quive solitus, sed : « Qui ligandus sit, quive solvendus. » Sacerdos enim, pro potestate sibi a Christo concessa, peccatores impenitentes ligat, penitentes solvit, et non solus ligatos aut solitus declarat. Quocire non pugnat Hieronymus cum Chrysostomo, qui in lib. II. de sacerdotio, scribit, sacerdotes autem Christianos non declarare, sed plane purgare lepram spiritualem.

Vide eundem Hieronymum in comment. ad. 2. cap. Hiere. et in epist. ad Pammachium, et Oceanum, de erroribus Origenis, ubi docet, necessariam esse Confessionem, cum secunda tabula post nafragium sit, culpari simpliciter confiteri.

Tertio, habemus S. Innocentius I. Pontificem, qui in epist. 1. ad Decentum Episcopum Eugenibum, cap. vii. ita loquitur : « Ceterum de pondere astimando delictorum, Sacerdotis est judicare, ut attendat ad confessionem penitentis, et ad fletus atque lacrymas corrigentis, ac tum jubere dimitti, cum viderit congruam satisfacionem. »

Quarto, habemus S. Augustinum, qui in lib. 30. homiliarum, homil. 12. docet, confessionem peccatorum a Deo esse precepit : « Deus noster, inquit, quia plus est et misericors, vult ut ea confiteamur in hoc sa-

culo, ne pro illis confundamur postmodum in futuro. »

Idem etiam in eodem opere homil. 41. docet Confessionem sacerdoti esse faciendum : « Non solum, inquit, post penitentiam, ab istis vitiis se homo servare debet sed et ante penitentiam dum sanus est : quia si ad ultimum vitæ steterit, nescit si ipsam penitentiam accipere, ac Deo, et Sacerdoti peccata sua confiteri poterit. »

Idem tractatu super Psal. 66. docet, peccata omnia esse confienda : « Tristis esto, inquit, antequam confitearis, confessus exulta : jam sanaberis. Non confitentes conscientia sanem collegant, apostolica tunnerat, cruciabat te, requiescere non sinebat : adhabet medicus fomenta verborum, et aliquando secat, adhibet medicinale ferrum in correptione tribulationis. Tu agnosce medici manum, confitere, exeat in confessione, et defluat omnis sanies, jam exulta, jam latet ; quod reliquum est, facile sanabitur. » Certe omnis sanies, omnia peccata significat, et siue ex apostemate omnis sanies quam diligentissime exprimenda est, ita iudice Augustino, omnia peccata in Confessione appetienda sunt.

Idem etiam Augustinus interfuit. Concio III. Carthaginensi, et canonibus ejus cum ceteris Coepiscopis suis subscriptis : proinde canonem illum 31. supra citatum sine dubio approbat.

Habetur item in IV. tomo operum S. Augustini, liber de vera et falsa penitentia, qui licet non videatur S. Augustini esse, tamen negari non potest, quin sit aliquis antiqui, probatique scriptorius, cum inde Gratianus, et Petrus Lombardus, multa testimonia in libros suos retulerint. In eo igitur lib. c. 10 : « Quem, inquit, penitent, omnino peniteat, et dolorem lacrymis ostendat, representet vitam suam Deo per sacerdotem, praveniat iudicium Dei per Confessionem. Precepit enim Dominus mundatis, ut ostenderent ora sacerdotibus : docens, corporali presentia confiteata peccata, non per nuntium, non per scriptum manifestanda. » Et infra : « Quare qui confiteri vult peccata ut inveniat gratiam, querat sacerdotem scientem ligare et solvere : ne cum negligens circa se existimat, negligatur ab illo, qui cum misericorditer monet. Et cap. 11 de peccatis occultis : « Si peccatum, inquit, occultum est, sufficiat referre in notitiam sacerdotis. » Et cap. 14. de circumstantiis peccatorum : « Consideret, in-

quit, qualitatem criminis, in loco, in tempore in perseverantia, in varietate persone, et quali hoc fecerit tentatione, et in ipsius vitiis multiplici executione. » Et paulo post : Omnis, inquit, ista varietas confitenda est.

Quinto, habemus S. Leonem in epist. 80. ad Episcopos Campanie, ubi cum prohibuerit, ne peccata secreta publice recitarentur, redditum rationem, dicens : « Cum creatus conscientiarum sufficiat solis sacerdotibus indicari confessione secreta. » Et paulo infra : « Sufficit illa confessio, que primum Deo offeratur, tum etiam sacerdoti. »

Ad hunc locum respondet Kemnitius, pag. 1007. ac dicit, S. Leonem non loqui de confessione omnium peccatorum occulorum, sed tantum de confessione eorum, que si publicarentur, possent legum constitutionibus percilli, hoc est, eorum, que olim publice confessioni, et penitentia subjecta fuerunt. Id vero probat Kemnitius, quia S. Leo inter alias causas cur prohibuerit confessionem publicam peccatorum occulorum etiam illam reddidit, quia periculum erat, non multi a Penitentie remedii arcerentur, dum aut erubescunt, aut metuant inimicis suis facta sua resarcere, quibus possunt legum constitutionibus percilli.

Sed in promptu est refutatio. Nam S. Leo non unam, sed tres causas redditum, cur prohibenda esset confessio publica scelerum occulorum. Una fuit, quam Kemnitius solam notavit, ne publicarentur criminis, que possent legum sanctione puniri ; ut homicidia, furtum, proditiones, et similia. Altera, quia cum multi erubescant flagitia sua publice resarcere, ob eam verecundiam a penitentie remedii arcerentur, si necesse esset occulta flagitia publicari. Ex hac autem secunda causa manifestum est, S. Leonem non esse locutum de illis solis criminibus, que legum severitate puniuntur. Tertia causa fuit, quia sufficiat reatus conscientiarum solis sacerdotibus indicari confessione secreta ; proinde non sunt penitentes ad confessionem publicam adligendi : que sane cause generalis est, et peccata omnia comprehendit.

Deinde, nulla prorsus ratio fingi potest, cur peccata illa confitenda esse velit S. Leo, quæ si publicarentur, legum sanctionibus puniuntur ; et non alia. Nam quod Kemnitius dicit, illa sola peccata apud veteres necessaria confitenda fuisset, quæ si publica fuissent, ad confessionem publicam pertinuerint ; et supra refutatum est, et hoc loco

nihil Kemnitium juvat. Nam ad confessionem publicam pertinebant peccata publica, non ea solum, quae legum constitutionibus coercebantur, ut adulteria: sed etiam ea, quae impune committebantur, ut fornicationes. Non igitur recte Kemnitius probat, B. Leonem de illis tantum criminibus esse locutum, que per leges publicas prohibebantur, ea ratione, quia ejusmodi crimina confessioni publicae olim subjecta fuerunt: nam et jam diximus, non ea solum, sed alia multa praeterea confessioni publicae subjecta fuerunt.

Habemus praeterea aliud S. Leonis testimonium, in epist. 91, ad Theodorum Forjuli Episcopum, ubi sic legimus: « Multiplex misericordia Dei ita lapsibus subvenit humanis, ut non solum per Baptismi gratiam, sed etiam per Peccentientia medicinam spes vite repararet aeternae; et qui regenerationis domum violassent, proprio se judicio condemnantes, ad remissionem criminum perverirent, sic divinae bonitatis praesidiis ordinatis, ut indulgentia Dei sine supplicationibus sacerdotum nequeat obtineri. Mediator enim Dei et hominum, homo Christus Jesus, hanc Ecclesiam Praepositi tradidit potestatem, ut et confitentibus actionem peccantibus darent, et eosdem salubri satisfactio- ne purgatos, ad communionem Sacramentorum per januam reconciliationis admittant. » Hoc loco S. Leo apertissime docet, confessionem esse necessarium jure divino. Nam ab ipso Deo ordinatum esse scribit, ut indulgentia Dei sine sacerdotum ministerio nequeat obtineri: et deinde addit, Ministerium sacerdotum ex Christi instituto in eo consistere, ut confitentibus peccantibus injungant, et eosdem ad communionem Sacramentorum per januam reconciliationis admittant. Lequi autem S. Leonem de confessione secreta, et peccatis omnibus etiam occultis, perspicuum est tum ex loco superiore, tum etiam, quia non possent sacerdotes con- gruam peccantibus actionem injungere, nisi peccata omnia accurate cognoscerent. Porro ad hunc locum Kemnitius nullam solutionem reperire potuit.

Sexto, habemus Sozomenum, qui lib. viii. hist. c. 16. ita loquitur: « Cum prorsus non peccare, natura sit humana divinioris, po- nitentibus, quamvis frequenter delinquissent, veniam dare Deus jussit, et ad impestrandam veniam, confiteri peccata necessarium est. » Hic audis ab homine Graco, et ius divinum, et Confessionis necessitatem.

CAPUT X.

Testimonia reliquorum Patrum ab anno 500. ad 1200.

Nunc addemus testimonia aliqua eorum Scriptorum, qui floruerunt consequentibus saeculis usque ad annum Domini 1200. quo denum tempore sub Innocentio III. Confessionis omnium peccatorum legem latam fuisse, adversarii mentiuntur.

Habemus igitur post annum Domini 500. Sanctum Gregorium I. qui homil. 26. in Evangelia explicans illa verba: « Quorum remiseritis peccata, remittuntur eis. Videntur est, inquit, que culpa, aut que sit po- nitentia secuta post culpam; ut quos omnipotens Deus, per compunctionis gratiam visitat, illos Pastoris sententia absolvat. Tunc enim vera est absolutio Presidentis, cum aeterni arbitrium sequitur Judicis. » Non potest autem sacerdos cognoscere ait pro ratio- ne culpe penitentiam egerit, qui solvi desiderat, nisi culpam ipsam, vel potius culpas omnes penitentes aperite confiteatur: quare necessaria est Confessio omnia pec- catorum. Quod etiam eodem in loco idem Gregorius colligit, ex Lazari excitatione et solutione: « Lazarus, inquit, dicitur, veni foras; ac si aperire cuilibet mortuo in culpa diceretur: Cur reatum tuum intra conscientiam abscondis? foras jam per Confessionem egedere, qui apud te interius per negoti- um lates. Veniat itaque foras mortuus, id est, culpam confiteatur peccator: venientem vero foras, solvant discipuli, ut Pastores Ecclesie ei penam debeant amovere, quam meruit, qui non erubuit confiteri quod fecit. »

Eodem saeculo floruit Joannes Climacus, qui in suo libro, qui inscribitur Climax, gradu 4. ita loquitur: « Ante omnia vero culpas nostras praelario Judici nostro soli confiteatur: omnibusque si ille jusserit, confiteri sinus parati: et infra dicit, sine Confessione, que fit homini, nullum posse consequi remissionem.

Post annum Domini 600. habemus Casarium Episcopum Arelatensem. Is homil. 6. 7. 8. 9. et 10. de Peccantibus egregie disputat, et in septima quidem scribit, peccata confitendo, et peccantiam agendo purgari:

in decima. vero paulo fusius de necessitate Confessionis loquitur: « Unde vos, inquit, frequenter admonui, fratres charissimi, iterum atque iterum admoneo, et contestor, ut qui se cognoscit de littore continentiae, tem- pestate libidinis, in pelago luxurie fuisse jaetatum, et castitatis incurrisse naufragium, peccatorum confessionem velut tabulam fractae navis velociter apprehendat, ut per ipsam de abyso ac profundo luxurie possit evadere, et ad portum Peccantie pervenire, ubi jam tuncloco speci anchoram figure, et salutem perditan valeat reparare. » Porro, logoi Caesarum de Confessione omnium peccatorum in specie, perspicuum est ex hom. 7. ubi comparat peccata morbis, confessionem medicinam, sacerdotem medico: neque enim, ut etiam supra diximus, satis est ad sanandos morbos corporales, si medico agrotus dicat, se male habere, nisi in specie morbum, vel morbos, si forte pluribus simul vexatur, apertur.

Post annum Domini 700. venerabilis Beda in commentar. ad cap. 5. epist. S. Jacobi, expomere illud: *Confitemini alterutrum peccata vestra:* In hac, inquit, sententia, illa debet esse discretio, ut quotidiana levia que peccata, alterutrum coequalibus confiteamur, eorumque credamus oratione salvari: porro gravioris lepra immunditiam, iuxta legem, sacerdoti pandamus, atque ad eius arbitrium, qualiter, et quanto tempore jus- serit, purifieari curemus. »

Idem Beda lib. v. histor. Gentis sue, cap. 14. scribit insigne exemplum militis, qui cum confiteri peccata sua neglexerit, vel erubesceret, etiam in ipso rege sapientia moneretur, ut more Christiano Confessionem peccatorum suorum faceret, antequam de hoc saeculo exire compelleretur: tandem horribili praecedente visione, ad Inferi perpetuus cruciatus raptus, neglecta dilataque Confessionis penas justissimas dedit.

Eodem saeculo Theodorus Studites in vita S. Platonis, laudat eundem Platonem, quod ab adolescentia, Pastori anima sue con- fiteri convexisset, non minus frequenter quam diligenter, peccata omnia, ad intimas usque cogitationes.

Post annum Domini 800. Rabarus Episco- pus Moguntinus lib. vii. in Ecclesiasticum, cap. 7. de Confessionis necessitate ita loquitur: « Qui transgreditur mensuram in cupi- scientia carnis, et aggravatur ejus deli- citis, necesse est, ut per confessionem pecca-

torum, fedidatem evomat, et sic per jeju- num et castigationem corporis, ad statum pristine sanitatis redeat. » Vide eundem lib. ii. de institutione Clericor. cap. 30.

Eodem saeculo Nicephorus Cartophylas in. epist. ad Theodosium, cuius fragmentum extat in I tomo Bibliotheca sanctorum Patrum: « Olim, inquit, omnes oportebat ad ipsos Pontifices accedere, suaque illis oculta prodere, et sic vel reconciliationem, vel repudium ferre. Ignoro autem qui factum sit, cur haec minus observentur: quavis existimem Pontifices negotii tedium, frequenter multitudinis turbulentias defatigatos, id opere ad Monachos transmissee, ad eos scilicet, qui vere probati sint, aliquis veleant esse utilis. » Et infra: « Porro si quis expertus sit, et frugi, et cum hoc, sacerdotio fungatur, ad illum in primis accedendum. » Ex hoc loco intelligimus, communiceat fuisse a Pontificebus absolventi potestatem etiam Monachis, non tamen qui- buscumque, sed iis tantum qui et sacerdotio fungentur, et doctrina ac probitate prae- dicti.

Post annum Domini 900. Radulphus Flaviacensis, lib. iii. in Levitic. cap. 7. « Di- gnum est, inquit, ut qui peccatorum surorum confessionem facit, consummet ea omnia, que ad memoriam revocare potest, Domino pandens; non alia prodens, alia absconde- ntes. »

Post annum Domini 1000. Petrus Damiani in serm. de S. Andrea: « Quartus gradus, inquit, est confessio oris: haec pure facienda est, quia non est pars peccatorum di- cenda, et altera refinenda: neque levia confi- tenda, et gravia diffinenda etc. » Et infra de sacerdote Confessario loquens: « Videat, inquit, ne unquam de his, que sub signatu Confessionis accepit, aliquam faciat men- tionem etc. »

Idem in epist. ad Desiderium, de miracu- lis sui saeculi, refert insigne exemplum de integritate Confessionis: « Hugo, inquit, Cluniacensis Abbas, cum ad suum me Mo- nasterium perduisset, frater quidam senex in infirmitate domo ingravescente totius corporis tumore languebat. Hic porro cum Abbatis comperisset adesse presentiam, laetus effectus, divinam corpori implorare clementiam: Domine, inquit, quem nullum latet occultum, quasso, si quid reatus in me est, quod non sim hucusque confessus, tu mibi misericorditer in memoriam revoca,